

اک نور ڈٹھا اک نور منیا کیتا اک ول دھیان سسی نے

اپنا آپ ونجا کے عشق دا دیکھو رکھ لیا مان سستی نے

جان دتی پر جان نہ دتی ہتھوں عشق دی آن سسی نے

اعظم جگ دے عاشقان اُتے کیتا بڑا احسان سسی نے

عاشق وچ شہیدان شامل ایہدے نیڑے موت نہ آوے

جائز پڑھن جنازہ اس دا جیہرا مک جا وے مرجاوے

عاشق اُتے غسل نہ واجب ایہنوں رحمت آپ نہلاوے

اعظم کیہ اس کفن دی حاجت جہدے خالق عیب چھپاوے

واہ سسیے ترا عشق سلامت تینوں یاد رکھے گی دُنیا

ہر بستی ہر محفل اندر ترا ذکر کرے گی دُنیا

جد تک روشن چن ستارے ترا نام چپے گی دنیا

اعظم محشر تیکر تیری آباد رہے گی دنیا

عشق دا محل اسار دتوئی اج دل دی کٹیا ڈھا کے

عشق دا دیوا بال دتوئی اج اپنا خون کرا کے

عشق دا حسن نکھار دتوئی اج اپنا حسن مٹا کے

اعظم رکھ لئی لاج عشق دی توں اپنی جان گوا کے